

Headlines

- गृह मंत्री अमित शाह जम्मू-कश्मीर दे त्रै रोजा दौरै पर आवा'रदे न। ओह उच्च सतह दी बैठक च सुरक्षा स्थिति दा जायजा लैडन। उंदा श्रीनगर च केइएँ विकास कम्मै दी शुरूआत करने दा कार्यक्रम।
- मुखमंत्री उमर अब्दुल्ला होरें आखेआ जे ओह गृह मंत्री हुंदे कन्नै जम्मू-कश्मीर च बंद पेदिएं सैलानी थाहें गी खोलने बारै गल्ल करडन। उनें आखेआ जे एह इनें थाहरें गी खोलने दा सेई समां।
- उप मुखमंत्री होरें आखेआ जे सरकार जम्मू-कश्मीर दी हर थाहरै तगर शिड़क राबता उपलब्ध करोआने लेई बचनबद्ध।
- प्रधानमंत्री सूर्य घर योजना तैहत 16 जहार थमां मते घरें पर सौर पैनल लाए गए।
- खेड मंत्री सतीश शर्मा होरें आखेआ जे जम्मू-कश्मीर च खेड ढांचे दा दर्जा बदाने लेई 137 करोड़ रपे जारी कीते गए।

<><><><><><>

HM-JK Visit

केंद्री गृह मंत्री अमित शाह होरें अज्जै थमां जम्मू-कश्मीर दे अपने 3 दिनें दे दौरै पर न। संझा जम्मू पुजदे गै ओह सिद्धे लोकभवन जाडन जित्थे ओह सियासी लीडरें कन्नै मलाटी करडन। शाह होर जम्मू-कश्मीर दी सुरक्षा दा व्यापक जायजा लैडन, तरकयाती परियोजनाएं दी समीक्षा करडन ते सियासी हितधारकें कन्नै गल्लबात करडन। आकाशवाणी जम्मू दे संवाददाता हुंदी रिपोर्ट मुजब श्री शाह अपने इस दौरै दरान सुरक्षा एजेंसिएं ते प्रशासनिक अधिकारिएं कन्नै उच्ची सतह दियां मीटिंगां लाइयै पूरी पराती कन्नू बवस्था दी स्थिति ते चला'रदिएं प्रशासनिक ते ढांचागत विकास आहिलिएं पैहलकदमिएं दा बी जायजा लैडन। गृह मंत्री सुरक्षा स्थिति ते जायजे दे कन्नोकन्नी सियासी लीडरें कन्नै मलाटी लाडन ते बक्ख-बक्ख विकास परियोजनाएं गी शुरू करडन।

<><><><><><>

CM-Tourism

मुख्यमंत्री उमर अब्दुल्ला होंरें आखेआ ऐ जे ओह बंद पेदिएं सैलानी थाहेंरें आहले मामले गी गृह मंत्री अमित शाह हुंदे दौरे दरान पुट्टडन। विधायक निजामुद्दीन भट्ट हुंदे आसेआ पुच्छे गेदे इक सोआलै दे परते च मुख्यमंत्री होंरें आखेआ जे पहलगाम आहले आतंवादी हमले मगरा किश सैलानी थाहां अजें बी बंद न। उनें आखेआ जे हुन समा आई गेदा ऐ जे उनें थाहें गी खोली दिता जा।

पिछले बरें 22 अप्रैल गी पहलगाम च होए दे आतंकवादी हमले मगरा 50एं सैलानी थाहें गी मुकामी प्रशासन आसेआ बंद करी दिता गेआ हा।

<><><><><><>

CM-Land

मुख्यमंत्री उमर अब्दुल्ला होंरें अज्ज आखेआ जे सरकार नै 2025 बरें च कुदरती करोपियें करी प्रभावित होए दे उनें लोकें गी जिंदे कश अपनी जिमीं नेई ऐ- 40एं बरें दे पट्टे पर 5-5 मरला जिमी अलाट करने गी मंजूरी देई दिती ऐ। उधमपुर जिले च हाई ते जिमीं खिसकने करी 6 जहार 400 शा बी मते कुम्बें गी माली मदादद दिती गेई ऐ। भारती जनता पार्टी दे विधायक बलवंत सिंह मनकोटिया हुंदे आसेआ पुच्छे गेदे इक सोआलै दे लिखत परते च मुख्यमंत्री होंरें दस्सेआ जे मंत्रीमंडल आसेआ इक फैसला लैता गेआ जेदे मगरा 2 जनवरी गी सरकारी हुक्म जारी कीता गेआ जेदे तैहत जम्मू-कश्मीर दी 1 अशारिया 6 एकड़ सरकारी जिमीं गी 5-5 मरले दे स्हाबें हाई, जिमीं खिसकने, बदल फट्टने ते भूंचालै करी प्रभावित भूमिहीन परोआरें गी अलाट कीती जाहग।

<><><><><><>

Dy CM-Roads

उप मुख्यमंत्री सुरिंद्र चौधरी होंरें आखेआ जे सरकार जम्मू ते कश्मीर च हर थाहरै तगर राबता उपलब्ध करोआने लेई बचनबद्ध ऐ। एह गल्ल उनें विधानसभा च विधायक जावेद हसन बेग हुंदे आसेआ पुच्छे गेदे सोआले दे परते च आकखी। उनें आखेआ जे प्रधानमंत्री ग्राम सड़क योजना, सी.आर.आई.एफ, नाबार्ड ते यू.टी कैपेक्स राएं जम्मू-कश्मीर शिड़क नीति 2021 तैहत शिड़कें दा कम्म, मरहलेवार ढंगै सिर जारी ऐ।

उनें आखेआ जे इनें स्कीमें राएं कम्म योजनाबद्ध, मंजूरशुदा ते पूरी प्रक्रिया राएं जारी ऐ ते इन्दे पर बाकायदगी कन्नै तक्क बी रखी जा'रदी ऐ।

<><><><><><>

Child Marriage rescue

पुलसै बच्चें दी राखी हिफाजत सरबन्धी जिला इकाई, चाइल्ड हेल्प लाइन ते जिला टास्क फोर्स नै उधमपुर जिले च 14एं ब'रें दी कुड़ी दे जबरन बयाह गी रोकेआ ऐ। एह बचाs अभियान एम.एच हेल्पलाइन आसेआ टकोहदी सूह थोने मगरा चलाया गेआ। बच्चें दे कल्याण सरबन्धी कमेटी दी हिदायतें मूजब कुड़ी गी दिक्खभाल ते रक्षा दी जरूरत आहले बच्चें दे तौर पर घोशित कीता गेआ। इस कुड़ी गी ओदी सुरक्षा ते भलाई बेहतरी लेई बच्चें दी दिक्खभाल आहले चाइल्ड केयर होम भेजेआ गेआ। इस बारै होर जानकारी दिंदे होई उधमपुर दे नायब तहसीलदार अनायत अली होरें आखेआ

<><><><><><>

PM Surya Ghar

प्रधानमंत्री सूर्य घर मुफ्त बिजली योजना तैहत जम्मू-कश्मीर च तकरीबन 16 ज्हार 800 घरें च सौर उर्जा तैयार करने आहले उपकरण लाए जाई चुके दे न जेदे नै रिहायशी मकानें गी अक्षय उर्जा तैयार करने आहले इस प्रोजेक्ट कन्नै जोड़ेआ गेआ ऐ। एह जानकारी अज्ज असेंबली च 2025-26 ब'रे आहली आर्थिक सर्वेक्षण रिपोर्ट च दिती गई। आकाशवाणी जम्मू दे संवाददाता दी रिपोर्ट मुजब सर्वेक्षण मुजब संघ शासित जम्मू-कश्मीर च इत सरबन्धे च मित्थे गेदे 83 ज्हार 550एं रिहायशी घरें दे लक्ष्य शा अजें तकर 16 ज्हार 799 घरें-मकानें गी सौर उर्जा आहली इस योजना कन्नै जोड़ेया गेआ ऐ जेदे नै 62 अशारिया 1-1 मेगावाट बाददू बिजली तैयार करियै भंडारन कीती जा'रदी ऐ। इस कुल बिजली च कश्मीर बिजली बंड निगम KPDCL नै 34 अशारिया 6 सिफर मेगावाट जिसलै के जम्मू दी JPDCL नै 27 अशारिया 5-1 मेगावाट्स बिजली दा योगदान दिता ऐ।

<><><><><><>

Govt. Sports

सरकारें सदन गी जानकारी दिती ऐ जे 2025-26 च जम्मू-कश्मीर च खेड ढांचे दा दर्जा बढाने लेई 137 करोड़ रपे जारी कीते न। एह जानकारी युवा सेवा ते खेड मी सतीश शर्मा हुंदे आसेआ विधायक चंद्र प्रकाश गंगा हुंदे आसेआ पुच्छे गेदे सोआलै दे परते च दिती गेई। मंत्री होरें दस्सेआ जे 150 करोड़ रपे कैपेक्स बजट तैहत खेड सैक्टर लेई जारी कीते गए। दिसंबर 2025 तगर 56 करोड़ 57 लक्ख रपे खर्च कीते जाई चुके दे न।

<><><><><><>

Panchayats Delimitation

जम्मू-कश्मीर प्रशासन नै अज्ज आखेआ ऐ जे ओदा जम्मू-कश्मीर पंचैतें लेई ताजा हद्दबंदी प्रक्रिया करोआने दा कोई बचार नेई ऐ। आकाशवाणी जम्मू दे संवाददाता दी रिपोर्ट मुजब लंगेट थमां विधायक खर्शीद अहमद हुंदे आसेआ पुच्छे गेदे इक सोआलै दे लिखित परते च ग्रामीण विकास ते पंचैती राज मैहकमे दे मंत्री जावेद अहमद डार होरें साफतौर पर इयां आखेआ। अपने परते च मंत्री होरें हाल च जारी इक आधिकारिक विज्ञप्ति दा हवाला दिंदे होई इस चाल्ली दी कुसै बी कार्यवाही थमां इंकार कीता ऐ। 27 फरवरी 2025 दी विज्ञप्ति नंबर 5-0-53 तैहत जम्मू-कश्मीर च पंचैतें दी हद्दबंदी उप्पर कोई बचार नेई होआ'रदा ऐ।

<><><><><><>

Haj Pilgrims Vacc

उधमपुर दे मुख मेडिकल अफसर डॉ. अनिल मन्हास होरें हज श्रद्धालुएं लेई टीकाकरण शिविर दा उधमपुर च एसोसिएटेड हास्पिटल सरकारी मेडिकल कालेज उधमपुर च शुरूआत कीती। एह शिविर हज यात्रुएं आस्तै खासतौर पर लाया गेआ ऐ तां जे हज पर जाने थमां पैहले उंदी सेहत ते सुरक्षा यकीनी बनी सकै। इस मुहिम दुरान कुल 32 श्रद्धालुएं दा टीकाकरण कीता गेआ जिंदे च 15 मर्दे ते 17 महिलां शामिल न। जीएमसी उधमपुर दी टीम नै इस प्रक्रिया गी सुचारू ढंगै सिर चलाया। आकाशवाणी समाचार कन्ने गल्ल करदे होई सीएमओ उधमपुर डॉ. अनिल मन्हास होरें आखेआ

आकाशवाणी समाचार कन्नै इस शिविर बारै अपने अनुभव सांझा करदे होई इक श्रद्धालु मोहम्मद तलीफ वानी नै आखेआ

<><><><><><>

Labour Deptt. Ramban

श्रम ते रोजगार मैहकमा रामबन आसेआ प्रधानमंत्री विकसित भारत रोजगार योजना स्कीम दी अमलावरी जिले च कीती जा'रदी ऐ। एहदा मकसद पैहली बारी आहले कर्मचारिएं गी 15 जहार रपे तगर ते उजरत आधारित भत्ता कम्म-रोजगार उपलब्ध करोआने आहलें गी 3 जहार रपे फही कर्मचारी स्हाबै दिता जाहग। इसदा मकसद लोकें गी कम्मै पर रखने लेई उद्यमिएं गी प्रेरित करना ऐ। इस स्कीम कन्नै बेरोजगारी गी घट्ट करना ते हुनर ते उद्योग बशकार दी मंग गी पुरना ऐ। इस बारै होर जानकारी दिंदे होई सहायक श्रम आयुक्त रामबन अमित कुमार होरें आखेआ

<><><><><><>